

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 87.sjednici, održanoj dana 10.12.2020. godine, d o n o s i

ZAKLJUČAK

I.

Prihvata se Mišljenje Ministarstva za prostorno uređenje, promet i komunikacije i zaštitu okoline, broj:12-30-16930-4-3/20 od 30.11.2020. godine, dato po prijedlogu Službe za poslove Gradonačelnice /Gradonačelnika i Gradskog vijeća Visoko za Program rada Skupštine Zeničko-dobojskog kantona za 2021. godinu.

II.

Zaključak sa Mišljenjem iz tačke I. dostavlja se Kolegiju Skupštine Zeničko-dobojskog kantona.

III.

Zaključak stupa na snagu danom donošenja.

PREMIJER

po Odluci predsjedavajućeg Skupštine

Mirnes Bašić

Broj: 02- /20

Datum, 10.12.2020. godine

Zenica

DOSTAVLJENO:

1x Ministarstvo za prostorno uređenje,
 promet i komunikacije i zaštitu okoline,
1x Stručna služba Skupštine,
1x Služba za poslove Gradonačelnice /Gradonačelnika
 i Gradskog vijeća Visoko, putem Ministarstva,
1x a/a.



Broj:12-30-16930-4-3/20
Zenica, 30.11.2020.godine

U skladu sa odredbama Poslovnika o radu Vlade Zeničko-dobojskog kantona («Službene novine Zeničko-dobojskog kantona», broj: 5/11) i aktom Vlade Zeničko-dobojskog kantona broj: 02-1-30-16930-4-3/20 od 18.11.2020. godine Ministarstvo za prostorno uređenje, promet i komunikacije i zaštitu okoline daje sljedeće:

MIŠLJENJE

Aktom Stručne službe Vlade Zeničko-dobojskog kantona broj: 02-1-30-16930-4-3/20 od 18.11.2020. godine dostavljen je akt Stručne službe Skupštine broj: 01-30-16930-4-2/20 od 12.11.2020. godine u čijem prilogu je od strane Službe za poslove Gradonačelnice/Gradonačelnika i Gradskog vijeća Grada Visoko dostavljen Prijedlog za Program rada Skupštine Zeničko-dobojskog kantona za 2021. godinu.

1. Prijedlog pod rednim brojem 2.- Služba za lokalni ekonomski razvoj, komunalne poslove, zaštitu okoline i javne nabavke Grada Visoko predlaže donošenje Plana upravljanja otpadom Zeničko-dobojskog kantona do 31.12.2021. godine uz obrazloženje da je postojeći Plan usvojen 2009. godine ("Službene novine Zeničko-dobojskog kantona", broj: 01/09), te da je potrebno uraditi analizu postojećeg stanja i donijeti plan za period od naredne 4 godine.

U vezi sa navedenim prijedlogom Ministarstvo za prostorno uređenje, promet i komunikacije i zaštitu okoline daje sljedeći odgovor:

Prema odredbama Zakona o upravljanju otpadom ("Službene novine Federacije BiH", broj: 33/03, 72/09), donošenje Plana upravljanja otpadom je zakonska obaveza svakog kantona. Ovim strateškim dokumentom se odražava složenost aktivnosti upravljanja otpadom, te predstavlja instrument oko kojeg se trebaju složiti svi relevantni organi na nivou lokalnih zajednica u smislu planiranja aktivnosti i ulaganja u sektor upravljanja otpadom.

Plan upravljanja otpadom na području Zeničko-dobojskog kantona donešen je od strane Skupštine 2009. godine na dugoročni period od 20 godina.

Plan definira preduvjete za održivi integralni sistem upravljanja otpadom za duži vremenski period, uz mogućnost da se u toku njegove realizacije mogu vršiti prilagodbe u skladu sa izmjenjenim uvjetima, te uz uvažavanje vremenskih i ekonomskih ograničenja.

Prema Zakonu o upravljanju otpadom, kantonalni Planovi upravljanja otpadom moraju biti usaglašeni sa Federalnim planom upravljanja otpadom.

Na nivou Federacije Bosne i Hercegovine za oblast upravljanja otpadom, pored Akcionog plana Federalne strategije upravljanja otpadom (2008.-2018. godina) urađen je i Federalni plan upravljanja otpadom (2012.-2017. godina).

Trenutno se radi nova Strategija zaštite okoliša Federacije BiH, a aktivnosti na izradi nove Strategije će se u naredne dvije godine provoditi u saradnji sa Švedskim institutom za zaštitu okoliša (SEI) i uz finansijsku podršku SIDE.

Novi Federalni plan upravljanja otpadom potrebno je da se uskladi sa novom Strategijom zaštite okoliša Federacije BiH.

Prijedlog Službe za lokalni ekonomski razvoj, komunalne poslove, zaštitu okoline i javne nabavke Grada Visoko vezano za donošenje Plana upravljanja otpadom Zeničko-dobojskog kantona do 31.12.2021. godine za period od naredne 4 godine se smatra neosnovanim jer je Izmjene i prilagodbe

Plana upravljanja otpadom na području Zeničko-dobojskog kantona za period 2009-2029 moguće realizovati tek nakon usvajanja Federalnog plana upravljanja otpadom sa kojim treba biti usklađen Plan upravljanja otpadom Zeničko-dobojskog kantona.

U cilju dobrog i realnog planiranja i efikasnije implementacije integralnog koncepta upravljanja otpadom na području Zeničko-dobojskog kantona Kantonalnim ekološkim akcionim planom Zeničko-dobojskog kantona za period 2017.-2025. Godina (KEAP) u tački 3.6.- Stanje i okolišni indikatori u oblasti upravljanja otpadom dat je detaljan prikaz trenutne situacije u oblasti upravljanja komunalnim, industrijskim i posebnim vrstama otpada na području Zeničko-dobojskog kantona, pri čemu se tačnom identifikacijom postojećeg stanja omogućava postavljanje realnih ciljeva u planskom periodu.

Iz svega navedenog proizilazi da je prijedlog Službe za lokalni ekonomski razvoj, komunalne poslove, zaštitu okoline i javne nabavke Grada Visoko koji se odnosi na donošenje Plana upravljanja otpadom Zeničko-dobojskog kantona za period od naredne 4 godine sa analizom postojećeg stanja neprihvatljiv.

Obrađivač:

Amra Pojskić,dipl.ing.

MINISTAR

Arnel Isak